



UNIVERSITÄTS-
BIBLIOTHEK
PADERBORN

Universitätsbibliothek Paderborn

Johannis Strauchi[i] Jcti Amoenitatum Juris Canonici Semestria duo

Johannis Strauchi[i] Jcti Amoenitatum Juris Canonici Semestre alterum -
Cum Indicibus

Strauch, Johann

Jenae, 1674

Caput I. ad rubricam.

urn:nbn:de:hbz:466:1-10241



Amœnitatum Juris Canonici Semestre alterum.

ECLOGA VII.

Ad Titulum XIV. De etate & qualitate & ordine Præficiendorum.

CAPUT I. ad rubricam.

S U M M A R I A.

- | | |
|---|---|
| 1. Cujacii encomium. | 5. Leges annaria. Lex Villia,
Clogionis. |
| 2. Ætatis variæ acceptiones. | 6. Leges annariæ in Ecclesiâ. |
| 3. Vocabulum, etas, tribuitur etiam inanimatis. | 7. Concilii Tridentini novum jus. |
| 4. Ætatis humanæ intervalla. | |



Cujacius, quem non minus verè, quam Cujacii scitè Maufacus in Harpocracione, solum in præcellen-
 jure Consulem sine collegâ dici oportere, tia.
 censet, ætatis vocabulum variè in jure Ro-
 mano accipi docet. Quandoque enim pu-
 pillarem ætatem designari, ut cum in pœna. *Ætatis va-*
 libus judiciis ætati succurri dicitur. *rie acce-*
 doque pubertatem, ut cum suæ ætatis aliquem factum dicimus. *l.3. piones.*
C. de testam. tut. Quemadmodum Dio lib. LIII. τὰς ἐν τῇ
 ἡλικίᾳ puberes vocat, qui nondum pervenerunt ad annum XXV.
 Aliquando tempus ultra viginti quinque annos; Sic suæ ætatis
 dicimus eum, qui est major XXV. annis. *L. Ex duobus ff. de Neg.*
gest. non qui est annorum XXV. Tribuitur etiam rebus inanima- *Tribuitur*
 tis, ætas libri, vini, papyri, ædificiorum, instrumentorum, pro ve- *etiam ina-*
 tustate, *l.1. C.T. Ne quis in palat. l.2. C.T. de long. temp. præscr.* *Ætas nimatis*
 A libri,

Ætatis inter-
tervalla.

libri, Gellio usurpatur, ætas chirographi l. 1. §. 3. C. T. si cert. per. de chirogr. Cæteroquin ætas homini propria est, quæ certis intervallis distinguitur. Et ferè receptum est, quod Seneca lib. 7. de benef. c. 1. docet, septimum quemque annum ætati signum imprimere. Censorinus de die natali c. 14. Ferè enim post septimum quemque annum articulos, & in his aliquid novi natura ostendit, ut & in elegiâ Solonis cognoscere datur: At enim in primâ hebdomade dentes homini cadere, in secundâ pubem apparere, in tertiâ barbam nasci. Artemidorus lib. 2. ονειρ. c. 75. ἐξ ἧς ἡ ἀνθρώπων ἡ γυναικῶν οὐκ ἔστιν ἔτη ἑπτά. Hinc septimo anno infantia terminatur, quemadmodum non solum Philosophi, Varro lib. 5. de LL. Macrobr. lib. 1. in som. Scipion. c. 6. Sed & Juri servant. Ulp. l. 1. §. 2. ff. de admin. & per. tut. l. 8. C. T. de bon. mat. l. si quis infanti. C. de jure delib. Alio septennio pubertas distinguitur. Plutarch. lib. 5. de plac. philos. c. 24. Seneca epist. 12. Tota ætas partibus constat, & orbis habet circumductos majores minoribus, est aliquis qui omnes complectatur & cingat, hic pertinet à natali ad diem extremum: Est alter qui annos adolescentiæ excludit, est, qui totam pueritiâ ambitu suo adstringit. Vide Merillium obs. lib. 1. c. XIV. Inde

Leges ann-
itaria.

Lex Villia.

natae sunt leges annariæ, quibus definitur, quo ætatis anno, quæ functio in civitate capessi debeat. Talis erat Lex Villia, à Lucio Villio Tribuno Plebis lata, quâ quot annis nati quemque magistratum peterent caperentve sancitum fuit. Et cautum est postea, ne ante annum ætatis XXV. quisquam in Senatum legeretur. Et in Mæcenatis ad Augustum oratione apud Dionem, ne quis Tribunus Plebis, nisi XXX. nemo Ædilis, nisi XXXVII. nemo Consul fieret, nisi XLIII. annorum. In jure Romano minores XXV. annis à reip. gubernaculis arcentur. l. 8. ff. de Mun. & honor. l. 2. pr. de vacat. & exc. mun. Sed tamen strictam talem observationem remitti Callistratus ait. l. non tantum 11. ff. de Decur. Talis Lex est

Lex Clogio-
nis.

Leges An-
naria in
Ecclesiâ.

Clogionis II. apud Goldastum tom. 1. Constitutionum. pagin. 4. Lucium Junium Tribunum plebis unicuique magistratui ætatis legem dixisse apud Livium habetur lib. X. Talis lex etiam in Ecclesiâ introducta fuit, ut in Episcopis XXX. anni. cap. cum in cunctis 7. de Elect. quæ olim in cunctis Presbyteris, requirerentur. can.

14. Synodi VI. in Trullo. can. 11. Synodi Neo-Casariensis, can. 17. Synodi Agathensis. Justinianus Nov. 123. c. 13. triginta quinque annos requirit. Apud Judæos in initiandis sacerdotibus ætas triginta annorum desiderabatur. Numer. c. 4. v. 3. Et 1. Chron. 23. v. 3. ubi pro viginti Hebraica lectio triginta habet, & rectè, ut & Chaldaica paraphrasis. Postea viginti annorum numerus à Davide præscriptus fuit. d. cap. 23. v. 27. Et 2. Chron. 31. v. 17. In Diaconis & Subdiaconis olim XXV. annus exigebatur, hodie vigesimus tertius & vigesimus secundus. c. Generalem h. t. in 6. Sanè in beneficii curam animarum non habentibus, quales sunt Canonicatus Ecclesiarum Cathedralium, faciliùs dispensatur. cap. un. in 6. h. t. nisi annexum habeant ordinem Presbyteri, Diaconi vel Subdiaconi, quorum dispensatio summo Pontifici reservatur. Equidem in Concilio Tridentino omnibus Ecclesiarum Cathedralium Canonicis ordo sacer inunctus fuit; sed id communiter non observatur, quoties ab ordinariis Canonicatus conferuntur. Conferre enim solent decimum quartum ætatis annum ingressis. Gloss. in cap. si eo tempore de Rescript. in 6. ut vocem tamen non habeat in Capitulo, donec ad Subdiaconatum pervenerit. Clement. c. ult. h. t. Porro beneficia merè simplicia in septennio conferuntur jure communi: sed concilium Tridentinum annum decimum quartum postulat. Denique multa aliter fanciuntur Concilio isto, quam antiquis canonibus erat cautum. Vid. sess. 7. c. 2. sess. 22. c. 2. sess. 23. sess. 24. c. 12. sess. 25. c. 7.

Concilii
Tridentini
nova jura.

C A P. II.

Ad cap. 1. & 2. de ætat. & qualit.

S U M M A R I A.

- | | |
|--|--|
| 1. Unde cap. 1. h. t. desumptum. | 4. Ad cap. 2. h. t. |
| 2. Hoc capitulum ex Baronio exhibetur. | 5. Pro Cistrensi, legendum; Cistrensi. |
| 3. Quomodo in primâ compilatione habeat. | |